



Language Policy Division
Division des Politiques linguistiques

**Sićaripe la romana čibako
Kurikula pala e Romani čib thaj
Evropako Čibako Portfolio**

**Strasburgo
27^{to} – 28^{to} novembro 2008**

**Raporto katar
O David Little**

Seminarosko Raportaro

Divizija pala e Čibaki Politika, Strasburgo

www.coe.int/lang

E Divizija pal e Čhibaki Politika prinžarel mišto o finacialo suporto katar e Finlandake autoriteturi save kerdjas i preparacija e referencijake intrumenturjengi vaš i romani thaj o organizisaripen kadale seminarosko te ovel šajutno.

Puteri le seminarosko

E raji **Gabriella Battaini-Dragoni** (Generalno Direktorica pala e Edukacija, Kultura thaj Tradicija, Ternimata thaj Sporto, DG IV) das le seminaroske participatonge jek lašo djes. Voj maladas, kaj o projekto te formiril pe jek Kurikulako Kadro pala e Romani čib thaj pe kaća sama verzije katar Evropako Čhibako Portfolio areslas akana e finalno faza. Voj njenisardas ando anav katar la Evropako Konsilo la Finlandake pala lako generozno projektosko fondingo thaj la Evropake Romenge thaj Phirutnenge Forumoske (ERTF) pala leski centralno ko-operacija. Voj sikadas baripe, kaj o Vice-Presedniko katar Ekspertongo Komiteto pa le Roma thaj le Phirutne, o raj Ian Naysmith sas prezentno thaj po seminaro line sama vi reprezentantura katar Ekspertongo komiteto katar Evropako Čartero pala Regionalni thaj Minoritetonge Čhiba thaj katar o UNESCO thaj vi o Eksekutivno Direktoro katar Evropako Centro pala Moderni Čhiba. O seminaro si jek kontribucija katar la Evropako Konsilo karing o Internacionaldo Čhibako Berš katar UNESCO.

E raji Battaini-Dragoni maladas, kaj la Evropako Konsilo si de katar štar dekade involvirime pala Romenge buća. E edukacija katar le romane šavora si la konstantno prioritetu thaj la Evropako Konsilo organizuisardas workshops thaj seminarura thaj producirisardas sićarimaske materijalura pa e Romengi historija thaj kultura. E paluni bući sas ankerdi katar e Rekomandacija 2000 (4) pa e Edukacija katar le Romenge/Gypsy-enge šavora ande Evropa, so sikavel e potreba te siguril pe, kaj e Kurikula thaj sićarimaske materijalura arakhen pesko than ande kulturako thaj historijako identitetu le romane šavorengi thaj sikavel e importansa te aven vi reprezentantura katar e Romengi komuna uključime ande formacija katar le sićarimaske materijalura. O aktualno projekto lel egzaktno kodo drom, savo e Rekomandacija sikavel thaj del dumo e politika katar ERTF te promotil pe e Romani čib sar importantno markero katar identitetu. E Rekomandacija mothol specifično: "Ande thema, kaj vorbil pe e Romani čib, trobul te anzarel pe vi o šaipe te sićon le Romenge/Gypsy-enge šavora peska daki čib ande škola." E rola, savi khelel e angluni čib ande šavorengi afektivno thaj intelektualno drom angle, si desa importantno thaj bari. E bari potreba akana si, te siguril pe, te e Kurikula pala e Romani čib implementiril pe buhles thaj efektivno – jek proceso savo kam den dumo le verzije katar Evropako Čhibako Portfolio, save formirisajle specifično pala šavora thaj ternimata save sićon e Romani čib¹. E raji Battaini-Dragoni njenisardas savorenge, kaj getisarde la Kurikulako dokumento pala e Romani Čib thaj le ELP-onge thaj vi kodolenge, save kerde bući pe kodja sama ande pilotingoski faza. Voj maladas po agor, kaj e dimenzija katar le manušikane čaćimata pala e edukacija katar le romane šavora kam ašol vi maj dur ando centro kata la Evropake Konsiloske buća.

E ambasadorka, Irma Ertman (Permanentno Reprezentatnivo la Finlandako ande la Evropako Konsilo) mothodas, kaj si but baxtali kaj šaj avel ka o seminario, na numa kaj e Finnlada das financijsko dumo o projekto, maj but vi anda kodja, kaj andas le minoritetonge thaj le bi-privilegirime grupenje jek prioritetu pe manušikane čaćimatango than. E edukacija sikadas pe sar jek importanto faktoro pe sama katar e socialno inkluzija katar sa maj bare aktorura ande Evropa, uključime la Evropako Konsilo, la Evropaki Unia te e OSCE.

E Ambasadorka Ertman maladas, kana e Finnlada das ande la Evropako Konsilo anglat de 20 berš, athoska nas but haćaripe pa e protekcija thaj promocija katar le minoritetonge čiba haj specifično katar e Romani čib thaj vi le Roma korkoro dikhenas, te na avel lengi čib buhljardi maškar le gaže, numa feri te ašel maškar le Roma. De athoskara o žanglipe thaj le atitude parugle pe pe maj laši sama katar li duj riga. Romane tekstoske knjige arakhodon pe publikaci sama thaj la Finlandako Nacionalno Edukacijako Bordo publicirisardas jek praktično kompendijumo pala škole thaj pala le komune pe la integracijaki sama katar le romane studentura.

E Ambasadorka Ertman mothodas, ke la Finlandake avtoritetura dikhen bari importansa vi ande kodo faktu, ke e Kurikula pala e Romani Čib kerdili ande kolaboracija membronica katar e romani komuna thaj ekspertonca katar e romani kultura. Kodja si vorta ando duxo katar le centralni Evropake Konsiloske interesura thaj kodja trobul vi te ažutil, te siguril pe jek efektivno implementacija. Jek brigako faktu si, ke la edukacijake rezultatura katar le romane šavora ašen ande svako Evropako them tala nacionalo maškaruno standardo. De katar e vrijama sar von teljaren ande škola, savore šavora trobun te paćan ande pende thaj ande pengi zor. O sićaripe ande daki čib, katka pe kaća sama pe Romani čib, šaj avel jek kontribucija te haćardon le šavora maj zurale aj kodja šaj anel vi maj laše rezultatura.

E Ambasadorka Ertman maladas, ke importantno si o buhljaripe katar le Romengi inkluzija pe sa le linije – pe edukacija, po sastipe, pe bešimasko sektoro thaj pe la bućako sektoro. La Evropako Konsilo kerdas thaj

¹ E Kurikula pala e Romani Čib, le duj verzije katar Evropako Čhibako Portfolio thaj e vasteski knjiga pala sićaritorja šaj dobin vi pe Romani čib.

kam kerel vi maj dur, but laši bući pe sa kadala sektorura. Dragomasa dikhel voj o intereso la Evropaka Uniako ande paluni vрjama pe kaća sama thaj voj ažukerel jek evolucija pe sama katar jek konkretno politika pala e Romengi inkluzija ande sasti Evropa. Voj dikhel kado seminaro sar jek kontribucija pe sama katar e edukacijaki inkluzija: neve instrumentura egzistirin akana thaj e vрjama avili, te aven buhljarde ande membronge thema thaj kadja kam las palpale kodolestar so investirisardam maj anglunes.

E Ambasadorka Ertman phandadas pesko divano la vorbasa, kaj kado presentno projekto si paše te avel kompletno. Neve propozicije pala projektura pe kaća sama trobul te planirin pe thaj te konsultirin pe: cikne numa signifikantni pasura šaj kam anen e intrege implementacija katar le manušikane čačimata pala savora.

E Miranda Vuolasranta (Vice-Presednica, Evropako Romengo thaj Phirutnengo Forumo; ERTF Ambasadorka katar la Evropaki Unia) naisardas la Čhibaka Politikaka Divizijke pala lako interesu, angažmano thaj ekspertiza. E Kurikula pala e Romani Čhib si vorta jek demonstracija savi sikavel, so sa šaj aresel pe la pherda thaj aktivnona participijasa katar le Roma. E Romani čhib reflektiril le Romengo jekipe ande lingvistično diverziteto thaj si centralno pala le Romengo identitetu thaj pala e Romengi kultura. E Kurikula pala e Romani Čhib kam del dumo o drom angle, pe sama te avel e Romani čhib jek daki Evropaki čhib. Le Roma thaj e Romani čhib ū akana naj priznajime ande sa le kontinentoske kotora te aven sar kotor katar Evropaki kulturaki tradicija. E Kurikula trobul te ažutil te lašarel kodja thaj te anel la Romana čhibake sa kado priznajipe sar si kodja vi le avere Evropake dake čhibenge. E Miranda Vuolasranta naisardas le raske David Little thaj la rajake Barbara Lazenby Simpson kaj von formirinde e Kurikula pala e Romani čhib thaj la Evropako Čhibako Portfolio pala romane šavora thaj ternimata (uključime o Kompendijumo pala sičaritorja). Voj kerdas jek apelo karing le oficialni reprezentantura ando seminaro, te von den dumu e implementacija katar e Kurikula thaj katar ELPs thaj maj dur andas vi e propozicija, te kerel pe jek rekomanadacija katar e Kurikula ka Evropake Konsiloske membronge thema. E raji Vuolasranta phandadas pesko divano naisarimasa la Finlandake pala lako financijsko ažutipe thaj pala lengo angažmano naisardas vi le themenge, save dine dumu e Kurikula.

O raj Ian Naysmith (Vice-Presedniko, Ekspertongo Komiteto pa le Roma thaj Phirutne/MG-S-ROM) naisardas la Čhibaka Politikaka Divizijke pala pesko akharipe ka seminaro. Vov maladas: Vi te si la Evropako Konsilo pe angluni linija ande kampanja pala le čačimata le Romenge ande Evropa, pale e decizija katar le Ministerongo Komiteto ando berš 1995 te formiril o MG-S-ROM sas jek desa baro thaj importantno paso, ke kodja sas o angluno organo, responsiblo te dikhel thaj šinavel e situacija le Romengi pe jek regularno baza. Le membrura katar o komiteto - permanentni thaj na-permanentni, Roma thaj gaže - aven nominirime katar le membronge thema, o ERTF si les jek permanentno bešimasko than ka l' kidimata katar MG-S-ROM. E Romani čhib si jek katar la bućake čiba ando MG-S-ROM, rekomanadacije thaj šerutne dokumentura paruven pe ande Romani čhib. Kodja ažutil, te siguril pe le Romengi participacija pe intrege relevansa.

O raj Naysmith maladas, ke o MG-S-ROM lašardas ande kodja vрjama e Rekomandacija pa e Edukacija katar le Romane Šavora ande Evropa thaj eksplisitno spomenisardas e Kurikula pala e Romani Čhib. E Rekomandacija kam avel diskutuime katar Stiringosko Komiteto pala Edukacija pe anglune šona 2009 thaj vov ažukerel kaj athoska kam avel vi adoptirime katar le Ministerongo Komiteto. O raj Naysmith maladas maj dur, ke e Romani čhib khelel jek centralno rola kana formirin pe le strategije pala le Romengi inkluzija. O akceso karing e informacije thaj karing e edukacija si te avel pala e Romenge komune ande lenga daki čhib. Anda kodja trobul te razvijil pe edukacijako materijalo pe Romani čhib, savo trobul te hasnil pe perdal le nacionalni granice.

O raj Naysmith phandadas pesko divano ašarindos e bući kaj kerdili te formiril pe e Kurikula pala e Romani Čhib thaj mothodas, kaj o MG-S-ROM kam del vi maj dur dum. E čhib si jek importantno kotor katar amaro identitetu thaj pala amari kultura. Pe maj bilaši sama, la čhibaki diferencija šaj avel jek xaing katar konflikto thaj divizija; pe maj laši sama, šaj te avel jek phurt maškar le kulture thaj šaj te avel jek medijumo katar dialogo thaj katar o haćaripe jek-avreske. Sar pan-Evropaki čhib si ka e Romani čhib o baro potencialo te avel voj kasavi phurt. Numa kana e čhib či avela sičardi ande l' škole thaj le šavoren naj šansa te sičon la pe desa laši sama, athoska kodja našti te avel. Anda kodja si kaća bući kadići importantno.

Introdukcija karing o seminaro: David Little

La Evropako Konsilo formirisalo te arakhel le manušikane čačimata, le parlamentoski demokracija thaj le zakonoski dominanca. Pe sama katar kodo ciljo la Evropako Konsilo promotil le manušengo haćaripe thaj žanglipe katar jek Evropako identiteo kaj baziril pe kodola valorura kethane. La Evropako Konsilo del vi bari importansa kodoleske, te sičon pe čiba, aj kodja si sar jek instrumento pala e protekcija katar la čhibako thaj la kulturako identitetu, savo lašarel e komunikacija thaj o haćaripe jek-avresko thaj kodo peravel e

intolerancija thaj e ksenofobija. O *Common European Framework of Reference for Languages (CEFR)* formirisalo te del dumo e politika katar la Evropako Konsilo kodolasa, te anzarel jek „kethanaki baza pala elaboracija katar čhibake sićarimaske planura, kurikulake kompendijumura, eksaminacije, tekstoske knjige etc. pe sa e Evropa“ (CEFR, p.1). E Kurikula pala e Romani Čib formirisajli ande sama pe sa kaća politika thaj si kerdi te avel sa kaća funkcija vi la Romana čhibake.

O CEFR baziril pe jek akceso, savo si orijentirime pe akcija, kadala si leske xarakteristike: Amen hasnisaras e čib te realizuisaras komunikativni aktura, save šaj aven eksterno thaj socialno (komunikacija avere manušenca) vaj interno thaj privatno (komunikacija amena). Kana performirisaras komunikativni aktura amen hasnisaras strategije te keras e maj apropiatno thaj maj efektivno hasna katar amare lingvistični resurse. O sićipe la čhibako si, vaj barem trobul te avel, jek modo katar la čhibaki hasna thaj potreba. O akceso, savo si orijentirime pe akcija, fajdil anda kodja jek akceso karing la čhibako sićaripe thaj la čhibako sićipe kaj si orijentirime pala jek bući.

O CEFR definiril la čhibako žanglipe pe šov levelura ande trin sekcije: A1 thaj A2 (bazično aktoro) B1 thaj B2 (independentno aktoro), C1 thaj C2 (žanglo aktoro). Amen šaj hasnisaras kadala generalni referencijake levelura sar teljarimasko punkto, te keras čhibake sićarimaske planura thaj kurikulake kompendijumura, te skicirisaras sićuvimaske materijalura thaj aktivitetura thaj v' e evaluacija katar sićuvimaske rezultatura.

O akceso kaj si pe akcijaki sama orijentirime si pala CEFR fundamentalno, te hasnisaras e čib pe sama, te keras varesave buća. Anda kodja si le sukcisivni žanglimaske levelura definirime pe kodja, so le studentura la čhibake šaj keren ande dujto/strajini čib/čhiba kaj žanen vaj kaj sićon. La žanglimaska definicijasa pe levelura pala panž differentni čhibake aktivitetura (ašunipe, ginavipe, vorbaki interakcija, vorbaki produkcija, iskiripe) del amen o CEFR e šansa te las sama pe parcialni kompetencije thaj po fakto, kaj amen sam maj laše pe recepcija (ašunipe thaj ginavipe) thaj na pe produkcija (vorbaki produkcija thaj iskiripe).

Ande sa la referencijake levelura si maj but sar numa sxeme katar "šaj kerel" deskriptorura; la atitudaki deskripcija katar dujtona/strajina čhibako žanglipe si kompletirime katar skale katar čhibaki kompetencija/čhibako kvaliteto thaj strategijake skale. Numa sar angluno paso, e Kurikula pala e Romani Čib del korkoro peske jek limito pe skalirime deskripcija katar komunikativno atituda, kodolasa kaj hasnil katar o CEFR o akceso, savo si orijentirime pe akcija thaj pe la kolektivni referencijake levelura, te formiril resurse pala edukacijake planura, pala kurikula, pala planoske desajnera, iskiritorja katar tekstoske knjige, pala žene save formirin materijalura, pala sićaritorja, sićaritorjone trenerja thaj žene kaj len eksaminacije.

Kadala formacijake aspektura si te len pe ande sama:

- Si te hasnil pe dragomasa – na prja lungo thaj te haćardol korkoro pestar.
- Jekhatar te avel pe praktično hasna pala edukacijake planerura, desajnerja katar edukacijake planura, iskiritorja katar tekstoske knjige, pala sićaritorja thaj pala žene kaj len eksaminacije.
- Si te avel formirime kadja, te dićol le sićuvimasko progres.
- Si te avel bazirime pe le anglune štar levelura katar CEFR (A1, A2, B1, B2).
- Uključime si te avel e kompetencija katar ašunipe, ginavipe, vorbaki interakcija, vorbaki produkcija thaj iskiripe.
- Si te avel formirime pala trin sićuvitorjone kategorije: Kodola, kaj si pala lende e Romani čib o medijumo la edukacijako; kodola, kaj šaj ašunen e Romani čib khore, numa naj len jek produktivno čhibako žanglipe; thaj kodola, kaj e Romani čib či hasnil pe khore.
- Si te avel šinado pala studentura pe trin beršenge grupe: 3-6 beršenge, 6-10 beršenge, 10-14/15 beršenge.

Le anglune štar levelura katar CEFR si len kadala xarakteristike :

- Levelo A1 – Kodo si o angluno haćarimasko levelo katar žanglipe. Ašunimasa thaj ginavimasa le studentura šaj haćaren prinžande vorbe thaj bazake fraze; pe vorbaki interakcija thaj vorbaki produkcija von šaj hasnin partikularni vorbe vaj simpli fraze, te den anglal pe pušimata vaj šaj den bazično informacija pa but prinžande buća; pe sama katar iskiripe, von šaj ramon jek desja

xarno teksto, thon stikerja pe slike thaj (te si cikne šavora) kopirin katar jek modelo, savo getisarda o sičaritori.

- Levelo A2 – Le studentura šaj te komunicirin thaj reaguin pe bazično modo pe prinžande svakodjeseske situacije. Ašunimasa thaj iskirimasa von šaj haćaren fraze thaj phangle fraze ande 'k prinžando thaj svako-djesesco konteksto, sar paramiča kaj ašunde von maj butivar thaj prinžande tekstura (po eksemplu terminoske planura); pe sama katar la vorbaki interakcija thaj la vorbaki produkcija von šaj paruven prosto informacija thaj den prosti explanacie; iskirimasa von šaj ramon notice, mesaže thaj lila.
- Levelo B1 – Le studentura šaj te komunicirin ande differentni situacije thaj vorton xanci maj phare situacije kaj si e situacija desa prinžandi. Ašunimasa thaj ginavimasa von šaj haćaren le šerutne punktura ande 'k klaro divano thaj ande 'k ramome teksto, savo hasnil jek desa frekventirime čib; ande vorbaki interakcija thaj vorbaki produkcija von šaj participirin bigetome pe diskusije thaj mothon jek paramič vaj jek stori; pe sama katar iskiripe von šaj ramon prosti phangle tekstura pa jek prinžandi tematika.
- Levelo B2 – Le studentura haćaren pe maj feder ande čib; si len paćape thaj šajipe te kontrolišin le komunikativni situacije. Ašunimasa thaj ginavimasa von šaj haćaren buhle divanura thaj kompleksni argumentura. Pe sama katar la vorbaki interakcija thaj la vorbaki produkcija von šaj aktivno te angažuin pe ande diskusije thaj den klaro detaljirime deskripcije thaj argumentura; Pe sama katar iskiripe von šaj ramon jek klaro teksto pe jek buhli tematikaki skala, hasnindos deskripcije thaj argumentura, save sikaven personalni atitude, etc.

E Kurikula pala e Romani Čhib baziril pe dešujek teme, grupirime pe panž kategorije: personalno identiteto (*Me thaj muri familja; O kher/karavano thaj lenge aktivitetura*); svako-djesesco trajo (*Muri komuna; Ande skola; Xabe thaj gada*); pecimata (*Festivalura thaj slave; Phiripe thaj transporto*); generalni/eduakacijake relevance (*Vrijama, sezone, Vrijamaki kondicija; Natura thaj živine*); tradicija thaj kultura (*Romenge zanatura thaj profesije; Hobi thaj arta*). Romanipe si maj but sar numa jek "tema"; vov si relevantno pala sa le teme thaj esencialno pala sićuvipe thaj haćaripe katar le trajimasko kodo, savo sikadol parcialno ande Romani čib. Anda kodja le deskriptorja pala Romanipe anzaren jek referencijako punkto pala kurikulake desajnerja, pala žene save formirin materijalura thaj pala sičaritorja. Von trobun te sigurin kaj o sićuvipe katar e Romani čib uključil vi o sićuvipe katar le "trajimasko kodo" thaj kam ažutil te del godji/informacija le profesionalconen, save si dur katar o "kodo" vaj kodolen kaj naj von Roma.

Pala e mrjaža katar svako tema avel jek kontrolaki lista katar "Me šaj" deskriptorura, save sikaven školake aktivitetura thaj šaj hasnil pe pala e registracija katar sićuvimasko progreso. La kontrolake liste khelen jek centralno rola ando desajno katar duj Evropake Čhibake Portfolura (ELPs), save sikadile ande kado seminaro. O ELP kerdilo katar Evropako Konsilo paralelno le CEFR-osa. Ži akana karing 100 ELPs formirisajle ande membronge thema katar Evropako Konsilo thaj si avtorisirime katar la Evropako Konsilosko *ELP Validation Committee*. O ELP si jek instrumento kaj del dumo la čibako sićuvipe, vov promotil o plurilingvizmo thaj anel angle o interkulturalno haćaripe thaj e interkulturalno kompetencija. Si les trin obligatorni komponente. La čibako pasporto sikavel la komunikacijsko žanglipe katar le pasportosko gazda pe sama katar dujto/strajino čib, uključime sar dikhel pe vov/voj sumativno pe kak dino vramako punkto. La čibaki biografija lohkjarel le studentoski bući, te planiril, te reflektiril pesko progreso thaj sićuvimasko progreso thaj te kerel jek evaluacija. Le "Me šaj" kontrolake liste khelen jek centralno rola. O dosje anzarel le studentoske e šansa te selektiril materijalura, te šaj te dokumentiril thaj te sikavel pesko progreso vaj pesko žanglipe ramome ande la čibaki biografija.

E Kurikula pala e Romani Čhib: raportura

Bulgarija : *Lilyana Kovacheva, Hristo Kyuchukov*

E Lilyana Kovacheva mothol, kaj trajin 800,000 Roma ande Bulgarija thaj 90% lendar vorbin romanes. Anda kodja kaj le šavora si te sićon duj alfabetura (La ciriljako alfabeto pala e bulgarijaki čib thaj la latinsko alfabeto pala e Romani čib), e Romani čib ankerdol numa ando grado 2. La Bulgarijako Ministerijumo pala e Edukacija getil jek kurikula pala le gradura 5-8; La Bulgarijake ekspertura pala strajini čiba, kaj si len vi žanglipe katar Bulgarijako ELP, sas akharde te participin. Jek problemo si, te anas vi le kolegura ži kothe, te paćan ande importansa katar Romanipe. Pe maladi vрjama kam avel o programo vi pe website katar Ministerijumo pala e Edukacija. E Lilyana Kovacheva pušlas katar le participantura, te si e Romani čib

obligatorno ande kak nacionalno edukacijako sistemo. Ande Bulgarija e Romani čib naj obligatorno, kodja dozvolil le governoske, te na kerel laki implementacija, te avelas obligatorno, atheroska o potrebno fondingo arakhelas pe.

O Hristo Kyuchukov andas jekh raporto pa jek studija, savi kerdas vov ande 'k *kindergarten* thaj ando primarno levelo, hasnindos instrumentura, save bazirin pe l' testura katar e englezicko čib, save sas formirime ande USA. Vov arakhlas avri, ke le 4-7 beršenge šavora sićon le strukture katar e Romani čib, numa lengi vorbaki produkcija si desa čorri; či ande l' berš maškar 7-11 naj kak signifikantno lašaripe. Numa vov maladas, ke e metodologija kaj vov hasnisardas, si puterdi pala pušimata thaj maj dur trobul te ankerdon investigacije. O Hristo Kyuchukov maladas maj dur, kaj vov hasnisardas e Kurikula pala e Romani Čib numa ando dujto berš katar peski studija; vov našti delas komentarura pa efektiviteto katar e Kurikula, ke nas les vрјama te hasnil la desa kompletno. Vov mothodas, kaj egzistirin evidentni problemura, te sićol pe e Romani čib sar jek daki čib, ke voj si katar e Kurikula rigate thaj naj obligatorno. Thaj maj dur, ka l' Bulgarijake sićaritorja si jek negativno atituda, te sićol pe e Romani čib, ke le sićaritorja paćan, o sićuvipe la Romana čibako anel jek bilašo efekto pala sićuvipe katar la Bulgarijaki čib. O sićaripe ande Bulgarija si generalno but centririme po sićaritoro, kodja bušel, ke e introdukcija katar maj but interaktivni metode, mangel jek signifikantno zor thaj inputo pala le sićaritorjongo treningo thaj e formacija katar ažutimange materijalura.

Čexoski Republika: Helena Sadílková

E Helena Sadílková mothol, ke ande Čexoski Republika e Romani čib či sićarel pe pe primarno levelo, numa sićarel pe ande sekundarni škole thaj po univerziteto. Ando them egzistirin trin Romane dialektura thaj lenga hasnako levelo si variabla. O pilotingo katar e Kurikula pala e Romani čib si fokusirime pe sekundarno thaj Univerzitetosko levelo. Jek kidipe pala sa le sićaritorja la Romana čibake ando them ankerdilo thaj le projektosko plano sas lenge prezentirime. Teme sas alosarde thaj aktivitetura skicirime. Le romane sićaritorjon naj len pedagogijaki formacija thaj o CEFR naj len prinžando, thaj so sikadas pe si kodja, ke kak metodologijako ažutipe avela potrebro. Generalno sas o pilotingo efektivno: Le maj bare studentura sas maj but motivirime thaj lengo sićuvipe sas maj efektivno; kodja, kaj sas uni *native speakers* ande klasa sas jek baro ažutipe.

E Helena Sadílková maladas maj dur, ke paralelno le pilotingosa voj ankerdas jek investigacijako projekto, ande saveste ankerdilo jek testo katar studentongi receptivno thaj produktivno kompetencija ande Romani čib ande l' šon juni thaj oktombro 2008. Ando šon juni testosajle 30 studentura ande 50 škole thaj lengo kapaciteo sas graduime pe jek šare levelongi skala. Ka 38% sas jek laši receptivno thaj produktivno kompetencija thaj ka 25% nas čisoski kompetencija. Le rezultatura katar o šon oktombro inke naj sa analizirime.

E Helena Sadílková maladas maj dur, kaj si romane spikerja ande Čexoski Republika, kaj lengo čibako žanglipe nakhel o B2. So maj si, ande klase arakhodon studentura kaj vorbin diferentni dialektura thaj si len jek diferentno levelo kompetencijako, kodja anel uni pharimata pala le sićaritorja thaj pala le žene kaj formirin le materijalura. E Helena Sadílková phandadas pesko divano, sikaindos e importansa katar o bilingvizmo po drom angle, pala le romane šavora. Numa kado faktu naj klaro, či le ministerijumoske čiti le sićaritorjunge, anda kodja trobul te ankerdol jek puterdi publikaki debata pa e importansa, te sićardol e Romani čib sar daki čib. Voj maladas maj dur, ke univar arakhas vi ka l' Roma jek ambivalentno atituda karing pengi čib, kodja bušel, e informacija katar e importansa katar e čib trobul te buhljardol vi ande romani komuna.

Švedo: Mai Baier, Angelina Dimiter-Taikon, Iren Horvatne

E Mai Baier phenel, kaj e Kurikula pala e Romani Čib si jek instrumento, savo garantui o kvaliteto katar Romana čibako sićaripe ande Švedo, kaj katka si le municipije responsibli te sićardol la daki čib ande klase. De katar e vрјama kana sas e Kurikula getome hasnake, ando juni 2007, duj konferencije ankerdile pala sićaritorja la Romana čibake thaj žene pala resurse. O CRF parudisajlas pe švedicko čib. Jek timo katar panž sićaritorja kerdas jek evaluacija katar e Kurikula ando detaljo, pe savi klasake aktivitetura thaj materijalura sas formirime. Kodja kam avel publicirime pe švedicko, thaj englezicko čib thaj vi pe trin Romane dialektura. O paso savo kam avel pala kodja si e formacija katar sićarimaske materijalura (tekstoske knjige) pe trin dialektura pa 11 teme katar e Kurikula.

E Iren Horvatne, jek sićaritorka kaj si la dešuštare beršengi eksperiansa, mothol, ke ande pilotosko projekto voj fokusiradas duj teme katar e Kurikula, *Me thaj muri familja thaj O kher/karavano*. Voj phenel, kaj e Kurikula puterdas jek nevi perspektiva pala le šavorenge sićuvimaske potrebe. Po eksemplu, voj teljardas

peska bućasa la temasa "Me thaj muri familja" thaj teljardas le pronomenosa ande angluni persona thaj le šavora sas barikane kaj šaj denas duma pe Romani čhib. Von vorbisarde pa kodja, thaj lokhores haćarde von e importansa te den von duma ande pengi čhib. Pala berša von den duma romanes, vi te na žangle maj anglal či jek Romani vorba. O ciljo si akana, te aresen pe maj uče levelura žanglimaske.

E Angelina Dimiter-Taikon mothodas, kana voj thaj lake kolegura teljarde te gindin pa kodja, sar te žan maj dur pala e pilotoski faza, von ande e decizija te anen prinžanimaste diferentni dialektoske grupe jek-avreske. Von ažukeren kodja, te mothon le Roma ande aver thema, "kana šaj von keren kodja ando Švedo, athoska vi amen kam keras kodja ande amaro them."

E Iren Horvatne mothodas, o materijalo kaj formirisajlo ande pilotosko projekto, kerdas le studenton maj but aktivni thaj vi ažutisardas len te sićon jek maj barvalo vokabularo. Sas len e šansa te ašunen, te vorbin thaj te ginaven romanes, thaj kana gele khore von mothode penge dadeske, penga dake barimasa so von kerde. Le pilotosko projekto phanglas e tema "Mej thaj muri familja" le tradicionalnone romane paramičenca ande diferentni dialekatura. Le getome materijalura si pala sa le studentura pe svako žanglimasko levelo.

E Mai Baier mothodas, ke e bući katar le sićaritorja, save sas involvirime ande pilotosko projekto kerdas bari impresija. E decizija sas andi, te na keren pe tekstoske knjige po levelo A1, ke le sićaritorja ande kasave ekscelentni ideje. Pe maj učo levelo kam avel pala le studentura importantno, te aven len interesantni tekstura, kadja te žan maj dur o drom, te sićon e Romani čhib thaj te sićon la edukacijako žanglipe generalno.

Diskusija

Ande diskusija pa kado raporto ande pe kadala punktura:

- O Hristo Kyuchukov mothodas, ke ande Bulgarijake Romane komune, kaj del pe duma romanes, le šavora haćaren thaj vorbin romanes, numa lengo vokabularo si desa čorro. E Kurikula pala e Romani Čhib anzarel e baza te rešil pe kado problemo. Le studentonge interesura baron zurales kana von teljaren te sićon romanes. Vi la Bulgarijake raktora kamen te sićon romanes penge romane amalenga.
- O Jan Heros maladas, ke ande la Slovakijski Republika si duj sekundarni škole kaj si e Romani čhib obligatorno.
- E Iren Horvatne mothodas, ke ande Švedosko pilotosko projekto sas e tema *Me thaj muri familja* o drom savo puterdas o vudar le studentonge. Lengi atituda pala e škola parudilas, kana von line sama kaj šaj den duma ande penga daki čhib. Te žanel o sićaritori romanes, kodja si but importantno pala l' romane šavora, ke kodja vazdel lengi estimacija pa peste thaj kodolasa phiren von vi maj regularno ande škola.
- E Helena Sadílková mothodas, ke le šavora, save participirisarde ande Čexosko investigacijako projekto, sas but interesuime pe l' testura (prezentirime lenge sar kompeticije) von sas barikane te šaj sikaven kaj žanen te dobin laše punktura. Le regularni sićaritorja čudosajle kana dikhle o baro angažmano le šavoreng, save sas involvirime ande kodo investigacijako projekto.
- E Stefania Kulaeva mothodas, ke le romane šavora ande Rusija či vorbin jek majoritetongi čhib, aj kodja anel len ande 'k baro edukacijako minuso. Kana si len jek sićaritori save vorbil romanes, kodo si maj but jek bitrenirime ženo, aj kodja si maj but jek instance katar dispariteta. Tendencije egzistirin, te aven le sićaritorja iformirime pa e Romani čhib thaj te sićardon le šavora pe rusicko čhib. Si but romane šavora ande Rusija, save žanen lašes romanes, feri či žanen, či te ginaven čiti te ramon.

La Evropako Čhibako Portfolio pala studentura katar 6–11 beršenge: *Barbara Lazenby Simpson*

O David Little mothodas ande peski seminaroski introdukcija, ke la Evropako Čhibako Portfolio formirisajlo paralelno le CEFR-osa sar jek ažutimasko instrumento pala čhibako sićuvipe, te promotil pe o plurilingvalizmo thaj te formiril pe jek interkulturako haćaripe thaj jek interkulturaki kompetencija. Katar o starto sas amaro ciljo te formirisaras verzije katar ELP sar mediacijako drom, te sikavas e topika thaj o etoso katar e Kurikula pala e Romani Čhib le sićaritorjone thaj studentonge.

Le trin kotora katar ELP si phangle. La čhibako pasporto si kodo, kaj lesko gazda dokumentiril pesko progresu pe sama katar lingvistikako thaj kulturako identiteto thaj generalno pesko čhibako sićuvimasko progresu. La čhibaki biografija si o "motori" save spidel o sićuvipe angle: voj ažutil le studentoske te identificiril le sićuvimaske ciljura thaj te kerel jek evaluacija katar pesko sićuvimsako progresu te reflektiril pa

individualno sićuvimasko stilo thaj referencije thaj te lel pala peste le atitude kaj si pe sama katar e čhib thaj kultura. Ando dosje si jek than pala pasura sa angle thaj eksemplura katar sićuvimaske progresura; o starto si jek čučo than, savo paso pasostar pherdjol sar sićuvimasko progreso

Ando ELP pala studentura la Romana čibake, save si 6-11 beršenge, tradel la čibako pasporto le studenton, te den pe godji pa pengo identiteto. Pe rig 4 von thon pesko patreto thaj mothon pesko anav thaj mothon kaj von trajin. Kodja kerel o ELP anda jek te avel jek personalno dokumento. Aver informacije, save roden pe pe kaća rig, šaj keren pe pe jek faza kaj avel maj palal, kana si le studentura okupirime differentnone tematikenca katar kurikula - *Me thaj muri familja, Xabe thaj gada, O kher/karavano, Hobi thaj arta*. Sa kodja si vorta pe rig 5, kaj del le studenton invitacija, te kiden penge čibake eksperijanse pa pengi ljuma krujal. La čibako pasporto fokusiril la interkulturako haćaripe (rig 8) thaj del le studenton zor te aven barikane kaj si le Roma (rig 9, "Buća, kaj me kamavas te mothav avere manušenge pa muri kultura thaj pa muro trajosko drom"). Kaća maj paluni rig trobul sa adicionalno te thol pe ži kana hasnil pe o ELP. Po agor pe l' riga 6 thaj 7 dozvolil la čibako pasporto le studenton te registririn pengo progreso pe sama katar le žanglimaske levelura katar o CEFR. Laši si e ideja, te ramol pe pe kadala riga o datumo katar le kerde notice, te avel jek retrospektivno vrjamaki linija katar o sićuvipe.

La čibaki biografija si skicirime te del le studenton motivacija. E rig 11 del len zor te gindin pa sićuvipe thaj te gindin pa peste sar sićuvimaske žene. Laši si e ideja te ramol pe jek informacija pe kaća rig pala svako sićuvimasko ciklus (e rig trobul te nevjarel pe kana naj maj but than ande l' boksura). E rig 12 si pala kodja, te thol pe jek ciljo pala e sićuvimaski faza kaj avel palal, aj kodja te kerel pe le sićaritorjoske ažutimasa. Po agor katar svako sićuvimasko ciklus le studentura thaj lenge sićaritorja dikhen pe relevantni kontrolake liste „Me šaj“, save reflektirin le 11 teme katar e Kurikula pala e Romani Čib, te dikhen, aresle von pengo ciljo vaj na. Simplificirime te keren pe von maj ušoro pala terne studentura, te haćaren von, ke le komentarura „Me šaj“ si kategorisirime katar CEFR levelo thaj žanglipe – ašunipe, vakeripe (la vorbaki interakcija thaj la vorbaki produkcija) ginavipe thaj iskiripe. Le sićaritorja šaj hasnin la kontrolake liste, te planirin jek sićuvimasko ciklus, te arakhen ideje pala le klasake aktivitetura, te keren kontrola kodo, so sas ušarado po gor katar e sićuvimaski faza vaj šaj arakhen jek „grjapa“ sićarimaski/sićuvimaski. Le studentur šaj hasnin len te den po gor so šaj sićon pa jek partikularno tema vaj topika, von šaj thon penge sićuvimaske ciljura, šaj kontrolišin so sićile thaj šaj registririn pengo personalno sićuvimasko progreso. Či na perel, ke numa jek sićuvimasko aktivitetu vaj sićuvimasko ciklus kam avel fokusirime numa pe jek kontrolaki lista, ke egzistirin but interkonekcije maškar le differentni teme, sar korkori e Kurikula pala e Romani Čib pestar sikavel. Po eksemplu, te kerde le studentura bući pa jek projekto, anavesa „Jek importantno festivalo ande muri familja vaj ande komuna“, von šaj hasnin sićuvimaske djele pa panž kontrolake liste: *Me thaj muri familja, Festivalura thaj slave, Muri komuna, Xabe thaj gada, O kher/karavano thaj lenge aktivitetura*.

Jek laši ideja si, te ankerdol jek "portfoliosko djes" pe regularni intervalura, šaj te avel svako dujto vaj trito kurko, kaj žal pe kodola stepenura:

1. O sićaritori anel le studentongi sama pe rig/liga ando ELP, relevantno pe kodja, so sas la klasake palune aktivitetura.
2. Te avela potrebno, le studentura ginaven le sićaritorjoske ažutimasa o relevantno komentaro/le relevantni komentarura "Me šaj".
3. O sićaritori thaj le studentura diskutuin o komentaro/le komentarura thaj konfirmirin te šaj performirin le studentura le dine buća.
4. Le studentura farbisaren le relevantni čerhaja pe kontrolaki lista thaj aven ašarde anda lengo progreso.

Katar la čibaki biografija len le studentura te haćaren kodja, so trobul lenge te sićon, von len te haćaren sar te sićon efektivno, von len te cenin kaj le sićuvimasa si but differentni aktivitetura phangle, von dikhen penge jakhenca pengo progreso (le farbime čerhaja ande kontrolaki lista) thaj von len motivacija pala sićuvipe maj dur.

Ando dosje arakhadol jek patrin kaj si sa le teme registririme, kodja ažutil le studentonge te organizuin pengi bući, jek "vorbako zido" pala vorbako kidipe katar jek partikularno tema (katar kaća rig šaj keren pe kopije, te aven hasnime butivar) thaj vi jek skala pala planingo katar jek paramič, kerdi, te ašel le Romengi paramičengi tradicija žuvindi. Sar maj opre spomenime, o ciljo katar o dosje si kodo, te avel jek than, kaj le studentura šaj te kiden le eksemplarura katar pengi bući – po eksemplu planura pala paramiča, ramome

tekstura, skice, poemura vaj versura, vorbenge khelimata, certifikatura, e-majlura, postake karte thaj lila. Sa kadala buća šaj hasnin pe te thon pe rigate sar sićuvimasko materijalo pala futurosco hasnipe – po eksemplu, vorbake liste pala partikularni topike, frazake eksemplura, save sikaven la gramatikake strukture, definicije katar vorbe vaj katar fraze, bućake platforme, kaj šaj hasnin pe pala planingo katar jek oralno vaj ramome teksto. Kana thaj kana le studenton trobul te del pe zor, te keren jek kontrola katar pengo dosje thaj te anen decizija so šaj ašol thaj so šaj khoslol. Importantno si te žanel pe, ke o ELP naj jek knjiga katar forme, savi trobul pe pherdjol, korkoro jek rig kata ELP šaj lel duj vaj vi maj but berš te kompletiril pe thaj svako komentaro pe svako rig katar ELP šaj boldel pe pe 'k sićuvimasko aktiviteto. O ELP si jek importantno xaing pala bute studentongi motivacija, numa pe isto vrjama si o sićaritorji slobodno te kerel bući le ELP-sa so maladjol pe lesko/lako sićuvimasko programo (ande Irska uni sićaritorja malade, ke o ELP si e maj slobodisarimaski bući kaj arakhle von ande pengi karijera).

Diskusija

Ande dikusija maladile kadala punktura

- O Hristo Kyuchukov sikadas peski briga, ke o ELP šaj dikhelas pe sar sićarimasko/sićuvimasko drom pe "gypsy" sama, specifično te na aven le maj but sićaritorja thaj školake manedžerja puterde pala interaktivno akceso sićarimaske thaj sićuvimaske.
- O Adrian March maladas, kaj le romane šavora si mobilni thaj o kompatibiliteto katar ELP katar jek školako konteksto ži aver si potencialno desa importantno.
- E Miranda Vuolasranta mothodas, kaj e Kurikula pala e Romani Čhib thaj paše o ELP te na dikhel pe sar agor jeke procesosko nego sar agor jeke startosko.

Workshop-oski bući

Bući ande cikne grupe, le participantura hasnisarde la kontrolake liste thaj le Sićaritorjosko Kompendijumo (La Evropako Čhibako Portfolio pala e Romani Čhib) te identificiril jek numero katar differentni teme, save šaj hasnin pe pala 'k partikularno sićuvimaski bući, te losardol le sićarimasko levelo (A1, A2, B1, B2), te sikavel sar jek sićuvimaski bući vaj jek maj lungo sićuvimasko ciklusno šaj te kerel pe krujal katar specifični komentarura ande kontrolaki lista, save le deskriptorja losarde.

Evropako Čhibako Portfolio pa 11–16 beršenge studentura - *Barbara Lazenby Simpson*

Ande peski prezentacija sikadas e Barbara Simpson le diferencije maškar o primarno thaj o maj teluno sekundarno ELP pala Romana čibake studentura thaj sikadas sar o ELP šaj ažutil, te barjaren pe laše sićuvimaske praktike thaj sar del kontribucija pala la kulturako baripe thaj del dumo te arakhen pe thaj protektirin pe la importantni kulturake thaj historijke aspektura katar le Romengo trajo thaj katar e Romengi tradicija.

Ande maj teluno sekundarno ELP pherel la čibako pasporto sa kaća funkcija, sar ando primarno modelo, numa ande sama apropiatno pe l' studentonge maj bare berš. Po eksemplu e patrin 4, kaj thol o studento personalni informacije, si formirime te avel le studentos anavengo haćaripe, sar kotor katar Romengi tradicija thaj del le studenton haćaripe kaj si len sićuvimasko drom katar nevi čhib thaj del informacija pala e performacija katar simpli buća. Le patrja 5 thaj 6 sikaven duj droma, kidindos o komunikativno žanglipre thaj eksperiansa katar čibako hasnipe, o angluno drom si but prosto thaj o paluno ande relacija pe sama katar evaluacija korkoro pestar ando CEFR. Le studentura registririn pengo progresu pe sama katar e Romani čhib (le riga 8 thaj 9) pe sa kodo drom sar vi ando primarno ELP. Le patrja 10 thaj 11 si e refleksija pa kulture, le studentura trobun te bolden pe pala lende po agor katar svako faza, kaj si pe sićuvimaski sama, savi baziril pe teme (*Me thaj muri familja, O kher/karavano, Romenge zanatura thaj okupacije, Festivalura thaj slave, etc.*). Gindonanca thaj iskirimasa pa differentni romane trajoske aspektura von šaj maj feder te haćaren e importansa katar tradicije thaj heritaža. E rig 12 del le studenton e šansa, te den duma ande termura katar similariteto thaj diferencija, pa eksperianse, save sas len pe aver thana vaj te den duma manušenca katar aver regionura.

Sar motori, savo spidel o sićuvimos angle, teljarel la čibaki biografija jekha partrinasa savi fokusiril "Buća , kaj kerdem, thaj so kamavas te kerav ando futuro". Kaća patrin šaj vizitiril pe pe svako vrjama numa partikularno relevantno si pala štar teme: *O kher/karavano thaj leske aktivitetura, Muri komuna, Romenge zanatura thaj okupacije, Hobi thaj arta*. Skicirime si te del le studenton zor, te gindin pa le šajimata save egzistirin pala lengo futurno trajo thaj sar šaj te formirin les. E patrin 15 si pe sama, te barjarel pe jek laši sićuvimaski kompetencija: Kana haćaras amen so si amaro maj lašo sićuvimasko modo, athoska šaj kidas

sa amari zor te peravas amare bilaše thaj bi-efektivni sićuvimaske punktura. Le studentura trobun te bolden pe palpale kaj kaća rig, po agor katar jek sićuvimasko ciklusno vaj pala jek maj buhlo sićuvimasko aktivitetu, thaj te den pe godji pa sa kodja thaj te registririn sar von sićon. Pe rig 17 identificirin le studentura le ciljura ka teljaripe katar jek sićuvimasko ciklusno, thaj bolden pe po agor katar o ciklusno palpale kaj kaća rig, te registririn pengo progreso. Kaja rig si gradualno pherdi ciljura thaj performacie, anda kodja si li jek importantno motivacijski xaing pala sićuvipe maj dur (jasno si, ke kam avel potrebno te nevjarel pe kaća rig ande regularni intervalura). Po agor, la kontrolake liste ande kado ELP si specifično maj detajlirime sar kaj si ande primarno modelo: le studentura šaj registririn pengo progreso te keren le buća "Me šaj" pe trin levelura.

Ka dosje katar sekundarno ELP, kaj si maj tele katar primarno, si jek temengi registroski rig, thaj štar aver riga, skicirime te del dumo o sićuvipe katar e Romani čib. E rig 43 del dumo o planingo katar paramiča thaj zurjarel e importansa katar e romani oralno tradicija, kodolasa, kaj del zor le studenton te kiden paramiča, pe rig 44 arakhadol jek "vorbako zido", le studentura šaj thon neve vorbe thaj šaj sićon len; e rig 45 ažutil le studentonge te organizuin xarne registracije katar paramiča thaj gićimata, save von thaj avera anen ande klasa; e rig 46 thol jek gindimasko ramo pa planingo thaj pa e organizacija katar jek ramome teksto. O dosje šaj hasnil pe te thon pe vorbake liste pala partikularni topike, eksemplura katar ramome tekstura, informacija pa relevantni *websites*, paramičenge planura, eksemplura katar lila thaj e-majlura, praktični ekspresije thaj fraze, vorbake definicije thaj kadja maj dur.

O ELP pala maj telune sekundarni studentura katar e Romani čib si skicirime te ažutil le studentonge te reflektirin korkori pa peste sar membrura katar jek komuna, sar studentura generalno thaj sar studentura la čibake, partikularno sar terne manuša futuroske potencijalosa, sar participantura katar historija thaj kultura, savi si la lake redečine ande demultuni vрjama, sar reprezentantura katar kaća historija thaj kaća kultura, save angeren sa kodja ando futuro. Amen paćas kaj e Kurikula pala e Romani Čib thaj o ELP den dumo o sićuvipe katar e Romani čib jeke modosa, save avtomatično del dumo e prezervacija katar le Romengi kultura thaj komuna.

Diskusija

- O Adrian Marsh cirdas e sama karing o materijalo producirime ando UK katar Traveleronge Edukacijske Servizura.
- E Philia Thalgott andas e propozicija, ke la Evropake Konsiloski *website* šaj tholas jek specifično sekcija pala informacijako parugliple, te avelas želja pala kodja.
- E Miranda Vuolasranta maladas, ke o ELP si jek eksceļentno baza pala e formacija katar neve participijake sićuvimaske akcesura. Pe kaća vрjama le ELPs thaj le sićaritorjunge kompendijumura si pe dispozicija pe englezicko čib thaj jek pe jek romano dialekto. Akana trobul te kerel pe jek translacija katar e Kurikula pala e Romani čib thaj le duj ELPs ande diferentni romane dialekture thaj ande relevantni nacionalni čiba (e translacija ande nacionalni čiba si potrebno kodoleske, te njeril pe jek ofisialno akceptacija). O David Little anzardas e ideja, ke idealno avelas, te avenas bilingvalni verzije katar le ELPs, ande diferentni nacionalni čiba thaj ande lokalno dominantno romano dialekto.
- E Lilyana Kovacheva mothodas, ke ande Bulgarija egzistiril jek statosko fondingsko centro pala e šavorengi integracija katar minoritetura pa e edukacija, save šaj del dumo e translacija katar e Kurikula thaj le ELPs.
- O Bashkim Ibishi (*Kosovo*²) mothodas, ke vov šaj organizuil e translacija katar e Kurikula pala e Romani Čib ande albanicko thaj ande srbicko čib so maj sigo thaj te anel kodja ande sama katar kodola manuša, save keren e revizija katar školake kurikule.
- E Philia Thalgott maladas, ke la Evropako Konsilo del dumo o ERTF te promotil, te nakhavel thaj te fulavel e Kurikula thaj le ELPs. Voj maladas maj dur, ke le žene, save den le translacije pe komisija si te len pe peste o responsibiliteto, te aven korektni; vi e *formal permission* te kerel pe jek translacija, si te avel katar la Evropako Konsilo³ (jek katar le razlogura si, ke kodja khosel o problemu, te avel ži ka jek translacijaki kompeticija katar similarni čibake varijante).

² Sa le referencije pe la Kosovaki sama, te avel kodja e teritorija, le institutura vaj e populacija, trobun ande kodo teksto te haćadon ando konsenso la rezolucijasa 1244 katar UN Sekurimasko Konsilo, bi prejudicijako katar la Kosovako statuso.

³ www.coe.int/lang - Section Minorities and Migrants / Romani / Translation

- O Florin Fleican mothodas, kaj o maj baro problemo pe implementacija katar e Kurikula thaj katar le ELPs kam avel o treningo le sićaritorjongo. Partikularno, o ELP či kam funkcijonišl ži kaj či del pe le sićaritorjone jek detaljirime eksplikacija.
- E Angelina Dimiter-Taikon das e informacija, ke e Kurikula pala e Romani Čhib si već andi pe švedicko čib thaj kam avel lašardi pe sama katar e lašardi finalno verzija.

La politikake Inicijative

La Evropako Čartero pala Regionalni vaj Minoritetonge Čhiba thaj Romani: Dieter Halwachs

Ando ramo katar Evropake themenje kontraktura pala minoritetura egzistirin duj instrumentura; le Ramoski Konvencija pala Nacionalni Minoritetura thaj o Čartero pala Regionalni vaj Minoritetonge Čhiba, save dozvolin la Evropake themenje te keren decizija, save čiba kamen te arakhen ande pengi teritorija, pe sama katar o legalno sistemo, e edukacija thaj e medija. E Ukrajina thaj e Rumunija si le palune thema te ratificirin o Čartero, savo si akana pe zor ande 23 thema. Le Čarterske thema anen svako trito berš jek raporto pa e situacija katar le minoritetonge čiba ande lengi teritorija thaj jek ekspertongo komiteto kerel jek monitoringo katar le themenje raportura. O komiteto avel ando them, maladjol le NGO-enca thaj vi le governoske ranca, kerel rekomandacije karing le Ministerongo Komitet. Te si e aprobacija pozitivno, le rekomandacije bišaldon ande respektivno them thaj even publicirime pe Čarterski website (savi del informacija pa statuso katar e Romani čib ande Čarterske thema). Čibake minoritetura šaj anen pengo raporto ka Evropako Konsilo, numa pe kodja sama o Čartero našti hamil pe ande nacionalno zakono thaj našti porunčil, te o them astarel partikularni akcije; vov numa šaj sikavel, kaj le obligacije pe sama katar o Čartero či ankerdile. I Romani čib si la jek specialno statuso ando Čartero sar non-teritorialno čib. E Kurikula pala e Romani čib šaj principalno hasnil pe katar le Čartersko komiteto, te promotil o sićaripe katar e Romani čib; le obligacije tala o Čartero šaj lokhjaren e implementacija katar e Kurikula thaj katar le ELPs pala studentura katar e Romani čib.

UNESCO – “Daka čibake buća: e lokalno čib sar jek sićuvimaski kija”: Noro Andriamiseza

O globalno mandato katar e UNESCO uključil jek partikularno želja pala marginalisirime manuša, thaj formiril politikake direktive, strategijke dokumentura thaj pozicijake lila, te sikavel e importansa katar bilingvalno/multilingvalno edukacija, orientirime pe baza la daka čibaki, sar jekh instrumento, kaj promotil la edukacijski inkluzija thaj kaj lašarel le sićuvimasko kvalitetu.

E prezentacija katar e raji Andriamiseza sikkadas la kijake rezultatura katar e publikacija *Mother tongue matters: local language as a key to learning*, kaj uključil štar kazoske studije katar bilingvalni/multilingvalni programura kaj si la daki čib la instrukcijaki čib: 11 katar 13 lokalni čiba plus francuzicko ando Mali; maj but de 430 katar 820 vernakularni čiba ande Papua New Guinea; Kečua thaj španijolicko ando Peru; thaj španijolicko thaj englezicko ande l' USA. Le studentura ande kodola bilingvalni/multilingvalni programura si xaraterisirime katar kodola principalni edukacijski progresura:

- Lengo antrego akademijako progreso thaj lengo progreso ande matematika nakhel o progreso le studentongo, kaj si ande monolingvalno sekundarno-čibako sistemo.
- Lengo rezultato ande dujto čib si po agor pe jek učipe le studentonca katar o monolingvalno dujtona čibako sistemo.
- Von aresen adicionalno čibake kompetencije vi pe pengi angluni čib.
- Von participirin maj aktivno ande sićuvimasko proceso thaj haćaren pe maj sigurno pa sićuvipe.

Le participantura si dine godji, ke ka 21. februaro si *International Mother Language Day* (UNESCO) thaj po 26. Septembro si *European Day of Languages* (Evropako Konsilo).

O planingo pala o futuro

Evropako Centro pala Moderni Čiba – Projektoske Propozicije: Waldemar Martyniuk, Eksekutivno Direktoro

O ECML biandilo ando berš 1994 sar jek buhljardo kontrakto katar Evropako Konsilo; pe kaća vrjama si les 34 membroske thema. Dino dumo si lo katar la Avstrijake raj, leski bući ankerel jek sekretariato, e kontrola kerel jek Governingosko Bordo, ande savo si po jek avtoriteto katar svako membrongo them. Leski bući si, te del dumo e implementacija katar la Evropake Konsiloske politike, save si pe sama katar la čibaki edukacija,

te promotil inovacije thaj te lokhjarel e reforma katar čhibako sićaripe/sićuvipe, te formiril jek mrjaža ekspertongi thaj te buhljarel laše praktike.

O ECML kerel bući via štare beršenge medium-termonge programura; le štare thaj duje beršenge programura si ko-ordinirime katar internacionalni ekspertonge timura. Le projektonge participantura aven nominirime katar nacionalni nominacijake avtoritetura, lendar ažukerdol te participirin von pe formacija katar internacionalni netvorkura thaj te funkcionišin sar nacionalni multiplikatorura. Le projektonge rezultatura aven publicirime thaj hulade bilovengo sar knjige thaj/vaj CD-ROM; von šaj vi te ladaven pe tele katar ECML website. Ande aktualno medium-termosko programo (2008–2011) arakhadon 20 projektura pe štar temake sekcije: evaluacija, kontinuiteto pe čhibako sićuvipe, topikaki thaj čhibaki edukacija, plurilingvalno edukacija. O ECML si puterdo ko-operacijake propozijenge, uključime e Romani čib; o angluno paso kam avel jek eksploracijako kidipe ando foro Graz.

Sar šaj te implementirin pe le instrumentura katar la Evropako Konsilo ande specifični naionalni kontekstura? (plenarno diskusija)

- O Joe Sheils andas le participanton ande sama, ke amen sam pe kaća vrama ande dekada katar le Romengi inkluzija. Vov čudisalo sar anel kodja jek efekto pe sama katar e Romani čib. Maj dur čudisalo te šaj le Romengo Edukacijsko Fondo del dumo e implementacija katar Kurikula pala e Romani Čib thaj o ELPs pala e studentura katar e Romani čib.
- E Philia Thalgott prezentrindas jek rezime katar 11 atvetura, save primisardas pe pušimaske liste, save sas bišalde le participantonge maj anglal katar o seminaro:
 - Ande duj thema e Romani čib či sićardol ande la edukacijsko sistemo; ande jek them si uključime ando *mainstream*; ande panž thema voj sićardol ande maj xanci sar oxto škole; ande duj thema voj sićardol maškar oxto thaj dešupanž škole; ande jek them voj si sićardi ande maj but de 200 škole.
 - Ande jek them si maškar 90 thaj 200 studentura save sićon e Romani čib ande škola, ande panž thema si maškar 400 thaj 900 studentura, ande duj thema si maj but de 1,000 studentura, ande jek them si maj but de 25,000 studentura, kaj sićon romanes.
 - Ande efta thema naj treningo vaj daba naj treningo pala sićaritorja katar e Romani čib; ande jekh them si alternativni treningoske forme; ande trin thema kak treningo šaj arakhel pe.
 - Štar akutni potrebe si : sićaritorjongo treningo (7 atvetura); sićuvimaske materijalura/tekstoske knjige (6); nevi kurikula (2); ažutipe pe politikako levelo (2).
 - Le pušle žene gindisale, ke la Evropako Konsilo daštih te del dumo o sićaripe thaj o sićuvipe katar e Romani čib, kodolasa kerel rekomanadacije pa e daka čhibaki edukacija; te anzarel sićaritorjongo treningo, te anzarel specialistongi konzultacija; te anzarel ženen thaj materijalo te del dumo le debate pa sićaripe/sićuvipe la Romana čhibako; te lokhjarel o paruvipe katar informacija, katar sićarimaske materijalura thaj katar personalo; te del dumo e netvorkoski formacija; te del dumo e implementacija katar e Kurikula pala e Romani Čib thaj le ELPs.
- Pe tomna 2008 ankerdilo jek kidipe ando Beogrado, kaj avile khetane le thema katar e demultuni Jugoslavija. Jeg djes sas šinado la diskusijake pe sama katar e standardizacija la Romana čhibaki pala kadala panž thema thaj le ekspertura arakhle korkoro pes, kaj si von preparirime te keren bući pe kodo projekto. Planura egzistirin, te putrel pe jek centro pala e Romani čib thaj e Romani kultura ande l' Skoplje thaj te formiril pe jek bućaki grupa ando berš 2010, savi kam treniril biše sićaritorjon ande demultuni Jugoslavijaki Republika Makedonija. E intenzija si, te promotil pe e Romani čib sar daki čib ande edukacijsko sistemo. O Mai Beijer maladas, ke ando Švedo egzistiril e intenzija te producirin pe materijalura ande dialektura katar e demultuni Jugoslavijaki Republika Makedonija.
- O Bashkim Ibishi maladas, ke angla duj berš e Kosova adoptirisardas jek strategija pala e Romengi integracija, pala kodja la Edukacijsko Ministerijumo formirisardas jek grupa, te kerel jek školaki kurikula pala e Romani čib. Le Romengi komuna si desa angažirime thaj e Kosova ažukerel te kerel bući kethane avere themenca, te barjarel ekspertiza, specifično ando sektoro katar sićaritorjongo treningo. O Joe Sheils maladas, ke la Čhibaka Politikaki Divizija kam organizuil jek seminaro pa e čhibaki edukacija ande Kosova po šon marto 2009.

- Uni participantura mothode, kaj pala e implementacija katar e Kurikula pala e Romani Čhib thaj pala le ELP kam trobul financjako ažutipe. O Joe Sheils andas pe sama, ke kado projekto si de fakto getome thaj kak financjako ažutipe kam avel subjekto katar jek aver eksterno fondingo.
- E Ulrike Pawlata mothodas, kaj o nevo etablirime Kompetencijako Centro pala Plurilingvalizmo katar o Universitetu Graz si preparirime te organizuisarel seminarura ande kolaboracija katar ECML thaj te teljarel le projektosa, te implementiril e Kurukula pala e Romani Čhib ande Austria.
- O Adrian Marsh maladas, ke ande Turkija le lokalni komune si multiplikatorura. Našti thol pe e Kurikula pala e Romani Čhib thaj le ELPs ande nacionalno edukacijako sistemo, numa šaj avel jek regionalno kooperacija ande thema kaj trajin Xoraxane Roma.

Planingo pala o futuro

- E Susanna Lehtonen mothodas, ke katar 2010-2011 kam getol e Finlanda jek nevi nacionalno kurikula, savi šaj lel sama pe Kurikula pala e Romani Čhib thaj le ELPs pala studentura katar e Romani čhib. Katar la Finlandaki perspektiva avelas mišto, te avenas materijalura pe trin levelura te avel ušaradi e antrego bazaki edukacija.
- E Barbara Simpson maladas, ke pala l' sičaritorja avelas maj ušoro, sar te hasnin le ELPs, te avenas ande lenge vas apropiatni sičarimaske/sičuvimaske materijalura. Jek angluno paso karing kado ciljo šaj te avelas, te dikhen pe le materijalura, save si već getome thaj te alosaren pe kodola, save harmonisirin le ELP-osa. Pala kodja šaj tholas pe jek manušengi mrjaža ande l' differentni thema save paruvenas maškar peste le materijalura thaj kadja te ašavel pe o kapkano, te formirin pe le materijalura numa pe jek modo.
- Uni participantura kerde referencija karing jek lista katar publicirime romane materijalura kidime katar o Peter Bakker. E lista šaj primil pe pa website katar la Lingvistikako Departmano katar o Univerziteto Aarhus. E Barbara Simpson maladas, ke la Evropako Konsilo kidas kak kulturako materijalo.
- E Mai Beijer maladas, kaj si importantno, te dikhen pe le materijalura, save egzistirin andar e perspektiva katar e Kurikula pala e Romani Čhib. Kana kodja kerdas pe ando Švedo, jek kursoki knjiga sas te šudel pe, numa duj avera sas ando konkordo la Kurikulasa.
- O David Little mothodas, ke ekstremno pharo si la edukacijako paruvipe, kana si kasavi struktura, te kerel pe jek bući katar baro vučipe ži tele (*top-down*) aj kodja pe jek bari skala. Vov maladas, mištipe si, te kerel pe bući pe jek cikni skala, savi maj feder maladjol pala differentni potrebe (po eksemplo kurikulaki reforma, materijalalongi formacija, sičaritorjongo treningo, implementacija katar klase) ande 'k singularno ramosko projekto.
- E Agnes Daroczi mothodas, kaj e Kurikula pala e Romani Čhib thaj le ELPs putren o vudar pala e čači emancipacija, feri kana naj materijalura te thon pe ande le šavorenge vas, athoska khanči či anklet. Ando Ungro egzistirin numa duj škole thaj jek *kindergarten* kaj si e Romani čhib la edukacijako medijumo, aj kodja pe relacija katar 800.000 Roma, save trajin ando Ungro.
- E Barbara Simpson sikadas e importansa, te thol pe jek knjiga ando vas le studentongo. Voj andas ande godji o *Milestone ELP project*⁴ kaj si formirime sičuvimaske materijalura thaj sikadas lengo than pe projektongi website.
- O Hristo Kyuchukov maladas, ke butivar jek deficit knjigengo angerel ži kothe, te na teljarel pe le sičarimasa katar e Romani čhib. Vov andas e propozicija pala e formacija katar sičaritorjone asocijacija, sar jek drom, te avel o paruvipe maj lokho, šaj te avel tala e patronaža katar jek maškar-themutni asocijacija. Vov maladas, ke katar o maškar katar le 1990s žal e lingvistica sa angle pe sama katar investigacija, svako dujto berš ankerdol jek konferencija pe kodja sama.
- E Miranda Vuolasranta andas pe godji, ke ando berš 2003 maladjile pe jek than čhibake sičarimaske ekspertura sičaritorjonca katar e Romani čhib. Numa pala duj kidimata andas pe e decizija pala e implementacija katar e Kurikula pala e Romani Čhib. Projektura pala e implementacija katar e Kurikula šaj financirinas pe katar Romengo Edukacijako Fondo vaj katar nacionalni edukacijake avtoritetura.

⁴ http://www.iilt.ie/teaching_materials/default.asp?NCID=71

- O Joe Sheils mothodas, ke vov tholas e Romani čib pe agenda katar jek kidipe, savo si planirime maškar la Čhibaki Politikaki Divizija thaj maškar la Evropaki Komisija.
- E Lilijana Kovacheva mothodas, ke ande but thema egzistirin tekstoske knjige profesionalnove desajnosa. Voj kam thol peski zor, te avel e Kurikula pala e Romani Čib thaj le ELPs ande pe Bulgarijaki čib thaj vi pe jek Bulgarijako Romano dialekto. E Bulgarija naj la o potencialo te anzarel sičaritorjongo treningo, numa avelas la volja te bišavel sičaritorja pala treningo ando foro Graz. Voj mothodas maj dur, ke jek maškar-themutni organizacija anevesa [Next Page⁵](#) koordiniril e publikacija thaj o buhljaripe katar romane knjige.
- O Stanislav Stankiewicz (ERTF) maladas, ke e Kurikula pala e Romani Čib thaj le ELPs zaslužin jek dujto diskusijaki faza. Paša neve materijalura trobul amen jek eksperimento kaj si involvirime 10–12 sičaritorja. Kodja ažutilas amen te arakhas so maj trobul thaj so trobul te kerel pe ando futuro.
- La Małgorzata Różycka plačal e ideja, te formirin pe romane sičaritorjunge asocijacie. Laki intenzija sas te sikavel o ELP le romane školake asistentonge.
- E Christina Rodell Olgac maladas, ke le Roma si jek katar panž priznajime nacionalni minoritetura ando Švedo. Kurikule sas pe revizija, numa xanci kerdas pe pala e sičaritorjoni edukacija, na kadja ande laki institucija.
- O Florin Fleican mothodas, ke e Rumunija organizuisardas trine kurkenge milaske kursura, kaj futurni sičaritorja pala e Romani čib šaj sićon sar te sićaren e čib kethane la romana historjasa thaj la romana kulturasa.
- O Jan Heros najsardas la Evropake Konsiloske, le raske David Little thaj la rajake Barbara Simpson pala lengi bući: e vрjama avili, te le Romenge komune teljaren. La Slovakijaki Republika getosardas pe kaća vрjama la standardizacijako proceso pala e Romani čib thaj si akana ande pozicija te hasnil e Kurikula thaj le ELPs. Vov del dumo e ideja, te formirin pe nacionalni asocijacie katar Romana čibake sičaritorja.


Agoreske referencije, o seminaro phandalol: *Joseph Sheils*

O Joe Sheils mothodas, ke le individualni participantura trobun te informirin penge nacionalni ran pa kodja, so kerdjol, ke ignoranca anel dar. Vov maladas ke o ERTF si o propriatno instrumento te lel opre e ideja, ke trobul te avel jek internacionalno asocijacija katar sičaritorja katar e Romani čib. La Čhibaka Politikaki Divisiza šaj organizuisarel jek *follow-up* kidipe katar le projektoski grupa, te kerel jek bilansa pa kodja, so kerdilo thaj te del pe godji pala futuroske opcije.

Le propozicije, anzarde po seminaro, te kerel pe jek translacija katar e Kurikula pala e Romani Čib ande bulgaricko, albanicko thaj serbicko čib las e Philia Thalgott opre, kodolasa, kaj thodas pe [website](#) jek eksplanacija pa kodja, sar te kerel pe jek aplikacija pala translacijaki permisija. Voj mothodas, kaj o subjekto pala ek eksterno fondingo maj, šaj kaj la Evropako Konsilo daštila, te finansiril jek vaj duj cikne projektura, po eksemplu, e adapcija katar jek ELP modelo pe jek aver Romano dialekto.

E Miranda Vuolasranta andas le participanton ande godji, kaj e Romani čib si *endangered* thaj le Romane šavoren si o čačipe pala jek kvalifikativno edukacija. Voj sikadas la implementacijaki importansa katar e Kurikula pala e Romani Čib thaj le ELPs thaj najsardas le ekspertonge timoske thaj la Čibake Politikake Divizijake pala sa, so von kerde te avel o projketo efektivno.

⁵ <http://www.npage.org/en> // *Romani Publications Grants Program:* <http://www.npage.org/rubrique19.html>



Education des enfants roms en Europe
Education of Roma children in Europe



COUNCIL OF EUROPE CONSEIL DE L'EUROPE

Language Policy Division
Division des Politiques linguistiques



Evropakoro Forumo e Romengo thaj e Phirutnengo
European Roma and Travellers Forum
Forum européen des Roms et des Gens du voyage

Sikavindos Romanes: Sičarimasko Plano palaj Romani Čhib thaj Evropako Čhibako Portofolio

Evropake Konsilosko Seminaro vaš e decizijke manuša thaj praktikanturja

Strasburgo, 27-28 Novembri 2008

Programo

Žoja 27 Novembri	
08.45–09.30	<i>Registracija: Sala G 02 – Agora Kher, Allée des Droits de l'homme</i>
09.30–10.00 Šerutni: Ph. Thalgott	<p>Putaripen e seminarosko</p> <ul style="list-style-type: none"> • <i>Gabriella Battaini-Dragoni</i>, Generalno Direktorka katar i Edukacija, Kultura thaj Barvalimos, Terne thaj Sporto, DG IV • <i>Ambasadorka Irma Ertman</i>, Permanentna Reprezentacija e Finlandaki ando Konsilo le Evropako • Evropakoro Forumo e Romengoro thaj e Phirutnengo (EFRP): <i>Miranda Vuolasranta</i>, Vice-Šerutni; Le Forumesko Ambasadoro ande EU • Ekspertongo Komiteto pal Roma thaj Phirutne (MG-S-ROM): <i>Ian Naysmith</i>, Vice-Šerutno
10.00–11.00 Introdukcija & Šerutni: Ph. Thalgott	<p>Introdukcija ando seminaro: <i>David Little</i></p> <ul style="list-style-type: none"> ◦ <i>Sičarimasko Plano palaj Romani Čhib</i>: Dikhipen e bukjako kerdi ži akana thaj i struktura pal e Evropako Čhibako Portofolio (ECP) ◦ Dikhipen e seminaroske programosko
11.00 - 11.30	<i>Pauza</i>
11.30 – 13.00 Šerutno: D. Little	<p>Piloti pal e “Sičarimasko Plano palaj Romani Čhib”: <i>Raporturja</i></p> <ul style="list-style-type: none"> • <i>Bulgaria</i>: Lilyana Kovatcheva, Hristo Kyuchukov • <i>Czechikani Republika</i>: Helena Sadílková • <i>Švedo</i>: Angelina Dimiter-Taikon, Iren Horvatne <p>Pučimata thaj diskusije</p>
13.00 – 14.30	<i>Xabe</i>
14.30 – 15.45 Šerutni: Ph. Thalgott	<p>Evropako Čhibako Portofolio (ECP) vaš e siklajvne 6–11 beršenge</p> <p>Introdukcija ando ECP thaj o phandipen ko Manualo: <i>Barbara Lazenby Simpson</i></p>
15.45 – 16.15	<i>Pauza</i>
16.15 – 17.45	<p>Introdukcija: <i>Barbara Lazenby Simpson</i></p> <p>Ateliero bukjako pal o ECP vaš e siklajvne 6–11 beršenge: sugestije vaš i buki, astarindos e rodimaskelistenca thaj e Manualosa</p> <p>Reakcija parpale</p>

Parasti 28 Novembri	
09.00–10.30 Šerutni: Ph. Thalgott	Evropako Čibako Portofolio (ECP) vaš e sikljojne 11-16 beršenge <i>Barbara Lazenby Simpson</i> Introdukcija partikularno fokusosa pe veverimata maškar kado thaj o angluno modelo Pućimata thaj parpale phenimata pal e <i>Sičarimasko Plano palaj Romani Čib Sičarimasko</i> , ECP-urja, implementacija, ekc.
10.30–11.00	Pauza
11.00–11.30 Šerutno: J. Sheils	Politikake inicijative: <ul style="list-style-type: none"> E 'Evropaki Karta vaš e Regionalno Minoritatenge Čiba' thaj Romani: <i>Dieter Halwachs</i> UNESCO: "Kherutne Čibake Bukja : Lokalno čib sar klidin e lačhe siklimaski": <i>Noro Andriamiseza</i>
11.30–12.30 Introdukcija & Šerutno: Joseph Sheils	Plano vaš o avutnipe: <ul style="list-style-type: none"> Evropako Centro vaš Moderno Čhiba (ECMC) – Projektoske Propozicije: <i>Waldemar Martyniuk</i>, Eksekutivno Direktoro Sar šaj te oven implementisarde ando nacionalo konteksto e specifično instrumenti e Evropake Konsiloske: <i>Turo mesaljako</i>
12.30–14.00	Xabe
14.00–15.30 Šerutno: J. Sheils	Plano vaš o avutnipe (maj dur) Kolaboracijake paruvimata thaj networkko <i>Kontribucijasa katar o David Little thaj i Barbara Lazenby Simpson</i>
15.30–15.45	Konkluzije thaj phandipen e seminarosko: <i>Joseph Sheils</i>
15.45–18.00	Šajpen vaš informalno kidipen(mata) e romenge te planuin avutnimaske akcije

*E Divizija pal e **Čibaki** Politika prinžarel mišto o finacialo suporto katar e Finlandake autoriteteturi savo kerdjas i preparacija e referencijake intrumenturjengi vaš i romani thaj o organizisaripen kadale seminarosko te ovel šajutno.*